

鄆陵文獻志卷二十三

鄆陵蘇源生菊邨纂

祥異志

晉

晉書庾袞傳咸甯中大疫

五代

冊府元龜梁開平二年四月鄆陵居人程震以兩岐
麥穗並畫圖來進

宋

宋史本紀淳化元年七月鄆陵旱

文獻志

卷二十三

一

元

元史五行志至正四年六月鄆陵大水害稼人相食
元史五行志至正十九年鄆陵蝗食禾稼草木俱
盡所至蔽日礙人馬不能行填坑塹皆盈饑民捕蝗
以爲食或曝乾而積之又罄則人相食

明

賈詠南塢集成化九年時疫大行亡者枕藉 劉志
成化二十年大饑流民四集互掠人以食 劉志宏
治七年大熟斗麥千錢米價倍之 新纂宏治九年
山水泛漲破洧隄灌鄆墟潰決相尋邑北匯爲大陂

本王畿新河
記兼劉志

劉志正德五年六月城東嘉禾同穎

環劉氏祖塋尤多是年鄉民譌傳兵至相率移家城中居城者則又外徙數月乃定既而盜起河北爲七年兵燹之應 杜孟乾雙泊河碑正德七年洧水決洧川栗家口東南流瀦匯於鄆 劉志正德十一年城東南嘉禾同穎知縣龍章申達監司 劉志嘉靖元年元日地大震聲如山摧室如舟仄野樹枝如拂地一夜動百餘次屋仆者相望旬日始甯是歲大同兵叛河南上班軍聞變逋散絡繹於道豈其應歟 劉志嘉靖八年歲稔穀貴比屋斷炊餓莩盈路 新

文獻志

卷二十二

二

纂嘉靖十五年雙泊河溢出古城南害民稼無算

本劉

志

劉志嘉靖十五年二月新街居民李鼎家牛產

一犢二首四足兩尾墮地卽斃十月東南流一大星如彗光照地至西北聲如雷者三無何有鄰寇之變 新纂嘉靖十七年歲大稔嗣而歲又稔粟貴如

金途有餓莩

本劉劬李南野墓表
及劉連石孔山人集

新纂嘉靖三十

五年秋雨淫潦

本鄭儉重修
城隍廟記

新纂嘉靖四十年十

二月晦日城內火市廛一空

本石孔
山人集

新纂嘉靖四

十三年夏雙泊河溢害及田疇廬舍城郭

本石孔
山人集

新纂隆慶三年夏淫雨九旬雙泊河泛濫城南城北

積水無涯民間田無完廬禾無登場邑治廟學館廡

樓櫓墉池罔弗告壞本石孔山人集新纂萬曆十五年歲

稔本沈鯉撰新纂萬曆十六年大饑人相食病瘟

死傷尤衆本天啟元年所村洪山廟碑及沈鯉撰梁策墓誌明史五行志孫志萬

曆十八年三月三日申時黑風自西北來晦冥夜半

始見星鐵器皆有火光 新纂萬曆二十二年大饑

神宗發帑賑濟邑令何爾健奉行有法民鮮饑死按蒙

何爾健於萬曆十七年令鄆任滿內召在二十三年

其賑濟荒歉孫志不詳其歲又按明史五行志云萬

曆二十二年河南大饑巡按陳登雲進饑民所食雁

糞帝覽之動容開封府志云萬曆二十二年歲旱大

饑給事中楊東明進饑民圖詔發帑金四十萬留漕

米十萬石遣官賑之與爾健傳所云神宗發內帑特

文獻志

卷二十二

三

遣御史督賑者正合則爾健賑荒當在萬曆二十二年也

韓程愈白松樓集萬

曆四十年黃河水溢南出數百里鄆陵受客水之害

淹沒之慘人不忍言 孫志萬曆四十四年六月蝗

自東來城內外積厚寸餘秋禾無存次年亦復如是

孫志萬曆四十六年七月夜地震自西北向東南

聲如雷鳴 孫志崇禎五年河決孟津口橫溢數百

里六月二十二日水至鄆陵漂沒衝激城不沒者數

版 孫志崇禎六年春雀巢樹上形如瓠瓜百十為

羣共處一巢識者謂雀本巢於屋簷今變異若此有

人民離家之象冬月流寇渡河百姓棄鄉井入保城

中儼同雀巢是年秋鄆境多燐火如萬鐙羅列甚有
光大如缸者又十二月晦黑雲瀾漫雷雨交作大雨
如注移時方霽 王士正池北偶談明崇禎六年鄆
陵人浚城濠得石數百皆如人物鬚眉宛然或謂恐
傷地脈掩覆後有兵 孫志崇禎十年六月有蝗自
山東來蔽野斷青歲大饑明年蝗復生倍之 新纂

崇禎十一年歲饑

本張繩祖撰
曹守潤傳

新纂崇禎十二年

歲大旱草木爲焦百穀無所入

本韓程愈
白松樓集

新纂崇

禎十三年春暴風揚沙色赤如血自正月不雨至於
六月禾黍盡槁癘疫大起秋冬饑斗麥八百錢斗米

文獻志

卷二十二

四

一千二百錢餓莩載道士寇蜂起母食其子妻烹其

夫白骨如莽城守戒嚴道路多阻

本經志及白松樓
集鄭二陽日省錄

新纂崇禎十四年民益饑盜益起天災日益甚瘟

疫所及爨烟不升而父子相齧母女互烹者數數見

告當事嚴刑峻罰日有斬磔而其風不息

本白松
樓集

鄭二陽眼到錄崇禎末年乾明寺金剛像兩眼流淚

無何賊破城 明史五行志崇禎十六年四月鄆陵

隕霜殺麥

國朝

施志順治十三年四月暴風自西北來揚沙蔽天黑

如晦拔樹徹屋竟夕乃已 施志順治十四年冬霽

雨自十月至明年三月河水大溢積潦橫流秋麥盡

廢 白松樓集康熙七年六月甲申地震 白松樓

集康熙十二年世道昇平人民無疾疢之厄麥三四

石直一金梁粟一金市五六石 施志康熙十六年

歲豐穀賤 施志康熙十八年麥秋豐登 新纂康

熙三十八年水潦異常 本韓維垣
靜觀堂集 新纂康熙四十

年鄴有水災 本靜觀
堂集 施志康熙四十二年麥穀歉

收米價騰貴 施志康熙四十八年四月大雨連綿

麥禾盡沒秋亦歉收冬月穀價騰貴異常 施志康

文獻志

卷二十二

五

熙四十九年大熟 施志康熙五十三年六月二十

四日地震 施志雍正三年大熟麥秋豐登 施志

雍正五年麥秀兩歧穀雙穗且有三穗者邑民咸慶

大有 施志雍正八年大雨連綿秋禾淹沒十之六

七窮民無告憲檄賑濟凡五月 施志雍正十三年

五月十一日大水 施志乾隆四年六月十四日大

水泛漲縣北深丈餘禾盡淹村莊多衝壞穿岡觸城

垣墉多圯東北兩面尤甚縣南迤邐六十餘里幾成

澤國七月復大水九月初九日水又泛漲二麥旋種

旋淹苗無存者有司詳七分災奉 旨蠲免錢糧

開倉賑濟 施志乾隆五年六七月間徧境皆蝗縣南尤甚秋禾被損穀價騰貴 施志乾隆七年二月初十日地震有聲自西北而東南房屋皆動六月大水田禾多沒 施志乾隆十年三月初六日烈風異常窗櫺皆紅赤色 施志乾隆十五年大熟 施志乾隆十六年陽武黃流漫口偏災奉 旨蠲免錢糧 施志乾隆二十一年多暴風晝夜不止麥價騰貴 施志乾隆二十二年三月多雨夏大水平地深丈餘麥禾俱壞奉 旨普免錢糧發帑賑濟自十月起至次年二月止 施志乾隆二十三年大熟

施志乾隆二十五年大熟 吳志乾隆三十五年四月初四日申時暴風自西北來揚沙蔽日黑如晦 吳志乾隆三十六年六月城西南隅嘉禾同穎是月大水 吳志乾隆三十八年正月烈風揚沙窗櫺皆紅色積沙寸許 吳志乾隆四十九年秋至五十年春不雨暴風揚沙大旱禾盡槁秋冬大饑 吳志乾隆五十一年春斗麥千錢夏秋之間瘟疫徧行死者無數蝗生蔽野傷稼 吳志乾隆五十二年六月徧地生蝗積三寸許秋禾被傷是歲麥秋俱大熟麥斗五十文穀斗十二文秫黍二十三文亦異數也 吳

志乾隆五十三年三月二十二日雨雹積三寸許麥
禾被損秋熟 吳志乾隆五十四年正月十三日大
雪有雷聲 吳志乾隆六十年十二月二十五日大
雨有雷聲 吳志嘉慶元年五月蝗自東來蔽野斷
青不爲災 吳志嘉慶六年十二月二十六日地震
西華隆興溝教匪王二憚作亂民多奔避邑境南鄙
之民亦多奔避 吳志嘉慶十一年三月清流河水
漲漫沿河田禾盡淹奉 旨借給籽種口糧 鄆
事聞見錄嘉慶十一年城外張中保民墓產白芝一
本大尺許 吳志嘉慶十二年自正月至四月旱五

月霖雨麥熟 鄆事聞見錄嘉慶十二年二月初六
日夜暴風樹頭有火光 吳志嘉慶十三年正月天
甯寺豕產二象墮地卽斃 鄆事聞見錄嘉慶十三
年烏鵲產白雛毛羽潔白嘴足皆紅色 新纂嘉慶
十八年大饑穀價騰貴死亡枕藉奉 旨發帑賑
濟 新纂嘉慶十九年大熟 新纂嘉慶二十年民
多瘧疾 新纂嘉慶二十四年大水 新纂嘉慶二
十五年六月二十五日夜地震有聲自西北來 新
纂道光六年春旱大風晝晦 新纂道光七年麥秀
雙岐 新纂道光十二年大水民歉食 新纂道光

十六年夏邑有蝗食稼上官督邑令李收買蝗子用制錢一千餘緡患始息 新纂道光十七年四月初六日地震 鄆署紀聞道光十八年五月民家豕生一豚一首四耳二尻二尾尻下各具二足前足肩際上聳二蹄視如角旋死 新纂道光二十三年黃河自中牟南決流經鄆陵東北隅被淹者十八村二十五年春河復故道患始息 新纂道光二十七年歲歉民艱食 新纂咸豐六年夏邑有蝗不爲災明年蝗生徧野食晚禾殆盡 記過齋劄記咸豐七年十月二月晦日八年正月元旦夜鄆邑南鄆追岡張橋大

王莊蘇墩張甫等村外火光甚多如萬鐙羅列有數鐙合爲一鐙者有一鐙散爲數鐙者人追之則漸遠不追則漸近人心驚惶訛言屢起 記過齋劄記咸豐十年閏三月捻匪西竄鄆陵城守戒嚴四月初一日夜城上兵器皆生火光初三日一股由邑北回竄初八日一股由邑南回竄村落多被焚燒 記過齋劄記咸豐九年冬城內火燔民舍十餘區十年正月二十九日城內西北隅火燔民舍百餘區十一年二月十一日城南冢劉寨火燔民舍數百區十六日城內東南隅火燔民舍數區 記過齋劄記咸豐十年

冬大雪平地深二三尺不等西關貧民有凍死者
記過齋劄記咸豐十年十二月樹生木介者四次十
一年正月樹生木介者三次 新纂同治元年六月
廟學旁民家豕生一豚兩首二尾八足首有二角旋
死